

故宮博物院
珍藏

安徽府州縣志

共八冊
第四冊



故宮博物院編

海南出版社

故宮珍本叢刊第 104 冊安徽府州縣志第 4 冊(共 8 冊)

故宮博物院編

亳州志

巢縣志

全椒縣志

南陵縣志

阜陽縣志

第二冊(共三冊)

海南出版社

圖書在版編目(CIP)數據

故宮珍本叢刊.第103~105冊,地理.都會郡縣.安徽,[乾隆]亳州志、[雍正]巢縣志、[康熙]全椒縣志、[嘉慶]南陵縣志、[乾隆]阜陽縣志/故宮博物院編. —影印本. —海口:海南出版社, 2001.4

ISBN 7-80645-973-1

I.故… II.故… III.古籍-善本-故宮博物院-叢刊 IV.Z121.7

中國版本圖書館 CIP 數據核字(2001)第 06457 號

故宮珍本叢刊第 104 冊

安徽府州縣志第 4 冊(共 8 冊)

[乾隆]亳州志 [雍正]巢縣志 [康熙]全椒縣志
[嘉慶]南陵縣志 [乾隆]阜陽縣志

第二冊(共三冊)

故宮博物院編

責任編輯:李升召

*

海南出版社出版發行

海南省海口市金盤開發區建設三橫路 2 號 郵政編碼:570216

湖南省新華印刷三廠印刷

湖南省長沙市韶山路 158 號 郵政編碼:410004

本書正文用紙由金城造紙(集團)有限責任公司生產

*

2001 年 6 月第 1 版 2001 年 6 月第 1 次印刷

開本:787×1092 毫米 1/16 印張:31.5 印數:1-400 冊

ISBN 7-80645-973-1/Z·54

定價:1680 元(安徽府州縣志 14 種共 8 冊)

本書如有印裝質量方面問題請與我社或承印廠聯係
我社為本書每冊(種)書新編的目錄均置於每冊書末

巢縣志卷之十八

藝文志

盤谷一序坡公服膺後有作者震興古今裨官軼乘紀
竹編芸傳神寫照阿堵如生峴山隕涕棠棣流芬烺烺
典冊爰誌藝文

序

送勅封吏部主事張寬還鄉序畧

劉定之

翰林學士

張君公裕世家廬之巢縣早年以材薦薦知湖廣武昌縣
又改山東蒲臺縣民咸宜之後坐累謫戍龍門龍門在北
邊外苦寒之地烽燧之警觸乎目動乎心不言可知也然

巢縣志

卷十八

藝文

一

君能安命以處之其言行爲人所愛敬自將帥以下靡不
禮待焉有子曰鼎資質穎異君躬自課以問學又求明師
良友於流寓中以資益琢磨之昇亦刻苦奮勵以古人圓
木警枕等事爲準則以求成其身以遂其親之心果克登
進士第拜吏部驗封主事陳情上疏乞迎君於龍門就養
官舍既得請已而滿初考課最授膳承德郎而君以謫戍
故不得封及已卯當再遷奉訓大夫乃復上章陳情言幸
無曠職得以續用達於宸聰當推恩父母然臣父曩入戍
籍不得霑被也惟聖天子矜憐之移臣之官與臣之父惟
所用之無避艱險樂致身焉疏入上憫其孝封君以初

所得官於是君遂釋戍籍膺受名器

小學序

楊舜淵

文公先生集小學一書甚有功於大學顧世儒以其小而
薄之遂絕不復講問有以之授受者不曰此迂濶之言則
曰乃三家村裏不急之務嗟乎此天下所以處鮮好人而
出鮮好官也夫世之人誰不願有孝子悌弟有人於此其
或子而逆焉弟而傲焉其或子弟言動容貌之間種種放
浪跳越備極不堪聞不堪見之態焉則父兄之心願乎不
願乎吾以雖謂小學爲迂濶之人亦必不願也而後知小
學之非迂濶也昭代以文章取士初實徵聘問行今日徵

巢縣志

卷十八

藝文

二

聘雖廢然賢而有德者必多見用也否而不肖者必多見
黜也是可見文章雖可以得官不可以保官也即使四股
八比驚人震世立掇巍科而所爲不類當時且從而斥之
後世相與而非之使幼時急小學之心如其急文藝之心
則移孝作忠齊治均平一以貫之矣而後知務小學之非
不急也漁固嘗言立朝做不得好官人由居家不是好處
士平素不是好處士由小時不是好學生今之人皆以小
學爲迂濶之言習小學者爲不急之務亦安望其由好學
生而爲好處士好官人哉雖然亦願上之作養何如耳上
有教化則下有風俗安得主文教者啓之聖明爰新一令

使儒童不通小學不得入庠序秀才不通小學不得取科第庶乎蒙養既正而小大出處舉無憾焉耳野老狂談不勝迂濶之罪云

領沈學師爲徐生保墓序 錢朝鼎

昔人謂管仲奪伯氏邑至沒齒無怨而諸葛武侯於李平廖立視其爵徙其身終至感泣流涕而無幾微之憾無他誠與公而已吾友徐子期先墓被伐挺身奮爭與之角者鹽徒積蠹也且又憑藉縉紳之援暗投暮夜之金根株盤固不可動搖人咸爲子期危乃居鄭沈先生仲晚初莅庠庠秉公端勘侃然主持觸當事之忌而弗避犯縉紳之怒

巢縣志

卷十八

藝文

而弗恤攫羣小之疾且怨而弗顧反覆駁辨至再至三卒使盜阡之穴終移故宦一坏無恙余每見其僞僞正論義形於色凜凜勘詞案鐵如山未嘗不改容歎服其後忌者釋怒者平怨者感而疾者思邑紳迄與公定交歡若平生然後益歎公之至誠有以動物而至公足以服人也公素心條暢雅操堅貞遇事敢爲弘朗開濟士氣久靡有囚首受杖於公庭者公毅然白其寃邑令登明倫堂謝罪呼行杖者撻之乃已 奏銷一案有誤及同名者他學咸際不敢言公獨白學使者收復數人邑屢游饑捐俸出率設粥賑米存活者數千人待以舉火者恒廿餘家經歲久已舊

目躊躇當事者舉以屬公公慨焉身任閱歲餘而輪奐如新學宮有養賢堂饌厨房久爲勢家所侵公按誌披圖毅然請於當道有力者百計攘之弗爲動卒復舊觀登斯堂者無不徘徊歎息以爲有功學較之大者嗟乎使公正色而立於朝必將招之不來麾之不去辦大事成大功於俄頃之間其所設施豈僅若此而已耶余故於子期之頌公德而連綴書之以誌縉衣之好云

九江官僚祭名宦趙公文

九江知府袁耀然洎僚屬等致祭於 崇祀名宦故中憲大夫貴陽憲副前九江府司理澹雲趙公之神曰猗嗟先

巢縣志

卷十八

藝文

四

生之李潯兮克允而克明其政喜平反兮不摘發以爲能如史遷之傳循良兮毋庸取赫赫之聲旣豈弟而作人兮滋桃李之盈門仍昂藏而表直兮懾虎豹以吞聲續六期而奏最兮澤百世而愈新固嘗肖像以祀兮實潯人去後之心茲復蓋棺而論定兮議俎豆於廟廷唯懿德之攸好兮敬筮日拜奠以妥其神耀然等與公相遭於二紀之隆兮緣功德以彷彿其精英考生平之大節兮固難一辭以揚芬仰哲人之難萎兮尚不隕夫典刑遙恃此中之虔切兮冀上達於九江

告先師文

時遷學於慈氏寺

周思充 知縣徐兆人

竊惟地靈燭耀則道脈弘衍 聖佑熙昌斯人文蔚興巢
舊學在邑署西廡宇局隘闕克虔祀承靈敬卜善地揆宅
衍成神人協應宮牆鼎新層簷屹其霞矯廣廈鬱以雲屯
川嶽鍾秀威蕤紛紛綸謹以是日吉辰奉 神告祭祈事懷
之多福丐繁祉於 明靈惟冀發祥流慶焉懿樂於洪鈞
俾多士丁辰逢吉爰駿躍而驤騰並鴻漸於皇路美振鷺
之充廷詢忠良其接武相泰階於既平彌島奕乎千載豈
匪由陰騭於 神明諸生稱引古昔誦法六經瞻孔臺之
故墟想遺跡於回輪敢不寅畏勤惕相與賦若乎休徵尚
享

巢縣志

卷十八 藝文

五

巢由山祠作緣題詞

張壽朋 本府通判

巢由之時不必有巢由今日不可無巢由隱居者不必高
談巢由軒輊自負而用世者不可不推數巢由觀巢由於
巢由之時堯舜爲救世觀巢由於今日我輩紛紛政進用
獵榮顯釣烜赫安得一恬澹寂寞之士與之振清風而激
末流由隱居者求巢由祇足以灰心而槁性顧由用世者
味巢由則冷冷乎冰其貪名嗜利之熱腸而頃刻脫不測
之驚濤暫艤無疑之平岸甚哉今日用世者重巢由也余
別駕廬陽而巢爲屬邑邑以巢名者爲巢由故里其山四
面環抱幽深渾成真可隱顧其地不毛惟巢由可隱故今

日不能容隱士而能容僧僧則寄食一鉢耳去一瓢不遠
也余往來此輒慰止蓋以用世者有味之乎其中耶新安
詹淑正過巢由山祠呼祠僧詰責當作緣復謁余當題祠
亦復言山地荒郭疑有盜徒出沒爲行路者憂尚作緣題
詞可以客僧守此山則行路之人不虞盜余笑而答曰巢
惟一枝由惟一瓢是以無盜盜所由生世不巢由故也余
之祠巢由祠恬澹風世也恬澹人羣夫何盜之有

范增斷

黃道日

黃荆卿曰人但知張良始終爲韓於成功後從赤松子可
見余亦謂范增始終爲楚於不歸漢而死可見夫增楚人

巢縣志

卷十八 藝文

六

也生平好奇始終欲亡秦不下於良唯不徒浪爲誤中故
七十從項以起時項獨強沛公未露頭角增亦幾成伯佐
入關後一見沛公非復曩山東故習卽勸羽急擊勿失至
已成五采龍文猷勸不置此豈憤憤天命者則漢興楚不
利非其本心也或謂其若屬皆爲所併一言不謬譏其生
平所好非奇此大謬耳沛公之敵羽不止一人羽固一增
止矣百計離間漢君臣豈爲一人歎也蘇長公云增不去
羽不亡似爲得之然未白其衷增猶然啣冤九原蓋爲漢
滅羽者韓信陳平九江大梁孰非曩事羽者也一不得志
便皆仗劍以去自豎於漢增豈獨闕於是乃竟至漢不可

遇楚不可興棲遲勉強不得已碎玉斗以去果懷二心者
 增歟或又謂行至彭城發背死以奇不得售嗚呼是何沒
 增忠至此也諸人皆亡吾獨存鬱極而死憤漢之興傷楚
 之亡負已之素一死以明為楚韓彭諸人有慚德矣故羽
 圍江上面呂馬童曰若非吾故人乎此時增何在固若默
 在羽發斯喟也成則為良之辟穀敗則為增之發背一成
 一敗生死存焉何獨優良而劣增也况歸漢者組醢固不
 如終於楚者免鋒刃則又卓然蚤見已

巢伯論

陳履醇集古編曰桀奔南巢巢人為桀王城
 以居之此亦足以見巢人之忠與殷之盛德
 也巢人者巢伯也因
 著論以廣其義云

楊子芳

巢縣志

卷十八

藝文

七

從古有守義不渝而無稱於天下後世者南巢之於桀是
 也君臣之義萬古為昭矣其君之有道而事之其君之無
 道而亦事之仁暴不移其心而惟知君臣之義者文王也
 其君之有道則仕其君之無道而遠引以避及有伐其君
 者則死之夷齊也天下稱之後世稱之皆上聖之高誼也
 巢伯之守義其心事與文王夷齊同而逸其名而弗著晦
 其迹而不傳使其心事卒不昭於天下後世者何也余讀
 仲虺之誥曰成湯放桀於南巢放之云者謂逐出之所謂
 投諸四裔若舜之於四凶族也湯居亳巢去王畿近在侯
 服內地夫以天下共主而置諸侯服不虞其挾以生變乎

卷十八原書缺第8面。

巢縣志

卷十八

藝文

九

其改亂為治也易紂則化人為暴而使之從惡如歸故聖
 津再會而收野如林奄飛廉五十國既誅而殷遺淮徐繼
 叛欲其改亂為治也難桀居巢始治陶瓦變茅茨之舊遂
 與羽山之城並利賴於千古使出其材智豈不足為善而
 無如其不悛也三年而死桀之事已矣而巢人翊主之心
 未已也且不獨一世為然終殷世而義不至焉以為我夏
 臣也此亦足以見巢人之忠與殷之盛德也何以明其然
 也逸周書有曰周武王時巢伯來朝丙伯作旅巢命夫會
 同諸侯衆矣不聞來朝而命之而獨旅巢有命誠重其曠
 世不臣而今始來朝雖近在侯綏不啻越裳之重譯也是
 故觀旅巢命而知巢之未嘗臣商也商之賢聖六七作雖
 氏羗莫不來享來王而獨遺南巢者夫亦曰祖宗所未臣
 吾亦弗臣焉耳周微子之命曰稽古崇德象賢統承先王
 修其禮物作賓王家桀之子淳維逃奔北野既不足守先
 典矣巢為有夏遺臣殷或者禮之以備先恪歟由是言之
 巢伯之忠夏與文王之服事箕齊之死殷夫豈有異也哉
 竊使舜齊嗣孤竹之封紂不自焚而往竄焉舜齊亦必為
 南巢之為武王必不忍加之兵焉則太白可以無懸然則
 處君臣之變而能明大義於天下巢伯之與舜齊是數天
 下萬世以忠者也顧古事久遠職舉無紀史記且謂巢走

鳴條微古文尚書出巢雖有桀王城遺址後世且不信桀之果奔南巢與南巢之爲伯國也况得原其心事歟余故表而著之以俟後之論定者

傳

里中功臣列傳

張符

高祖開基所籍運籌決勝斬將舉旗功寧可勝計而至於水戰操舟若神長驅橫擣此蓋巢湖數艦功居多也以故始定建業草創爵封是時上尚稱吳國公而廖鄖國永安與胡大海遂首開國公乃不嫌肩並云逮洪武三年大啟封建暨後所追封者蓋在余巢六侯四公二等下累任各

巢縣志

卷十八

藝文

十

衛指揮使同知僉事者更有加焉居巢叢爾國恩優渥若是功足受爵爵足償功可謂盛矣然法網少密監黨事發天下功臣纖滅狼籍彼其盟白馬指黃河而誓者何在卽株累波於巢又何憾乎嗣後天子紹明先世之道慨然下明詔詔太宰大司馬追考故實收錄故鄂國曹國衛國信國諸公後爲微侯且增誠意秩而爲南安德慶後竟不獲叨一命豈其敦彼而遺此失在奉行者不能廣德意耳今其苗裔固在徒增切怛第僅僅侑享太廟及俎豆鄉賢祠斯不爲若敖氏之侵鬼而已或者曰巢邑風土瘠薄惡稱二侯乃余聞俞氏府於成化間卒罹烈燹金書殆見竟爲

灰燼嗟嗟此豈其天意耶余故憐諸勲後死者魂魄私憐無窮而尤感其功鬱鬱無傳也爰悉心訪故老採國史及他功臣事有相錯者并其家乘集之合爲里中功臣列傳

郭子章傳

張符

郭子章者諱奎而號望雲乃其所名詩集者云大雅不作至宋爲極元季間一二振之余青陽宗雍之虞氏子章宗青陽卽受業青陽門虞氏論詩好陰何徐庾諸家以諸家音和而莊節舒以亮華不至靡約不至陋淺而不浮深而能著唐大曆後卑卑不及格也子章嘗論青陽顧尚漢魏六朝不屑屑乎諸變體而其所自爲詩輒一票矩獲故匠

巢縣志

卷十八

藝文

十一

心獨詣自建安至唐正始多浸淫上下於其間是時兵起天下殺亂據巢湖結水寨者率赴赴武夫而子章爲難於是骯髒形骸任興所之所善錢文璧程西崖輩嘗言與之同舍曉曉夜燭或置酒尊或敲茶曰講道論心語無間然又時時以孔明自比曰僕近况惟有抱膝長吟而已子章詩既日上凡所過山川奇勝亡不歌咏形之及過皖城聞陳有諒破安慶余青陽不降而死有弔青陽詞則詩所從來已子章雖汗漫方以外乎狗監不逢和璞自傷寧無酸楚而陟岵之思更一日九迴腸已以故每瞻飛雲輒爲憐而因名其集曰望雲其情激其音哀余不能殫述述其一

二有七哀篇云颺風西北起陰雲薄南陸冉冉歲云暮惻惻心內悲辭親遠行邁已越三年期昔爲連樹根今爲遊地絲形影獨自弔朝東暮西馳不學魯仲連翻作楚鍾儀南冠愧流竄極褐誰相知性命寄須臾面色含饑疲明日在東壁願照濁水泥泥中復何見沙礫紛參差下有沉沙珠上有瓊樹枝瓊枝良可依終不埋光輝又爲妾薄命云鳳求皇兮我所思顧山難兮何與棲蘭爲佩兮芙蓉姿衷心懷兮誰可知良人沒兮遭流離流離極兮忘令儀側室陰兮春草萋雲不歸兮魂欲迷憶初遠兮父母拜姑嫜兮答與不諒兮今日憤怨兮悽楚覽塵鏡兮私自傷嗟薄命

巢縣志

卷十八

藝文

三

今將誰許此蓋感時抑鬱者之所爲焉其集五卷大率類是夫子章詩業已嗣唐響而名不朽業矣竟嶽寄坎壈以致乃當時道路之口且傳子章附僞漢爲高皇帝所獲逮於理陟夫流夜郎而謬云失身永王璘獨李謫仙也乎

孝子盛友聞傳

張符

張子曰孝蓋通萬里哉曾參之楚遊而其母指心動也孔子聞之曰參之孝精感萬里乃於茲得盛友聞以萬里歸其母云友聞諱宗號嶂山有母李氏方孀居稱未亡人會承樂初兵變掠其母遂相失是時宗尚穉稱比長聞母以兵亂亡誥之族忽有報在於燕平地見之者族人咸以

燕地苦遠無能及乃宗不憚即徒步行不啻三月聚糧無何之燕之雄邑構疾作幸邑之雄判簿邂逅道中假輿載之趣與俱歸宗既歸病調少間乃籲天矢心誓得母而還因復之燕而所跋陟蓋歷永平還安保定至東鹿始得母於魏節家焉母子逢見不相識宗稍悉家道及脩途飲血狀母遂傷心與宗仰天叫號嗟爲之哽左右見者無不墮淚時母年業已逾七袞外不能歸宗以死請其異父弟不可因質之憲臺憲臺則曰宗也天懷發中不遠萬里弗見則已見母而猶弗得母乎此情曷極且有其父者有其母矣遂決之歸於是里中白其事於郡太守旌其門而其後

巢縣志

卷十八

藝文

三

母病侍湯藥不承曉解帶者累月母既逝仍廬墓三年有羣狐遶廬鵲巢連枝之異人咸以爲孝所感而然論曰古人願爲良臣母爲忠臣而友聞遭母變稱孝友聞卽孝惡在其爲母然母非失節也始以兵亂亡繼念友聞苦寧舍其後子從友聞迎養以天年終李母亦賢母哉

趙節婦傳

張符

葉母趙氏遭夫榮與背棄之年爲二十七其所聞關百折以奉尊章撫六尺而不少挫念八十有五有司上其事奉詔表其門而其子春既克成業已乞劉翰林貞白爲之記此承聽聞事也劉翰林記不文且不悉余從里中故老

得其逸事逸事者信陽葉侍御清雖籍中州而實余邑人以世系論節婦則其再從嫂也嘗曰吾家世世居巢至先大父於洪武初自南湖巡檢調信陽江羅鎮而吾父復以軒岐家著候者與門即重去其鄉以此故鄉音問頗隔動若參商耳逮吾成進士始遣弟澍詣巢邑訪素屬者抵節婦家時族中子弟無有知者嫂乃出廳壁後命其子詰廳前得所由遂發聲大呼曰是女叔大父義裔也乃取所藏鄉人贈行文軸歸之則曩所經六十餘年者矣當是時葉侍御亦以為奇事云嗟嗟世有視先世所藏若敝帚甚至聞金閨玉而并於先人手澤卷分帙散者曷可勝悼哉矧巢縣志

卷十八

藝文

古

一女婦而竟能收族屬遺藏乎余故欽其節而尤喜葉侍御所頌也爰述所聞特為之立傳

孝義向希顏公傳

張符

向希顏諱侃者蓋天姿醇謹者哉而何肫肫篤於道也按公初遊鄉校獲雋當餼縣官廩而有同試生頗首乞憐稱貧困稱犬馬齒長欲先公公竟避無難色白之於督學督學大奇之已而永樂間脩大典公由楷書預焉因之奉命任嘉興開辦鹽課往不一年逋負悉完當道服其能無何以春秋經領應天甲午鄉薦厄禮闈者久之謁選授陝西靜寧州判官靜寧遠在平涼西地廣賦重往往苦於餉

之邊公董運儲蓄夜宿輓車傍與役夫同苦其勤事自忘若此而尤於素催科得撫循殊聲卒以判擢南畿廣西道御史尋陞雲南澂江府知府澂江復大治無異古臥閣而理者公為人極醇謹更峭直偶以議事與當道相駁故隨乞致政拂衣歸撫臺隨留之而公已中道矣公宦囊羞澁雖五馬貴猶然一介士時語在彭學士時墓表中公於親孝且暮必衣冠脩古定省事年未強喪其耦趙氏子戀尚呱呱泣不夫人湯母念之甚曰若再娶當念戀兒公即涕下曰為戀也母者既中道而背我我心直如割矧有吾母言戀失母而有吾母言傷哉為戀也母者而知吾母言否

巢縣志

卷十八

藝文

主

公竟鰥居終其身而棠棣匪他更白首無間言且公初辦嘉興有同事李處者忽染疫癘熾甚衆志莫之顧獨公為具湯藥扶持之瘳後入仕以厚弊酬公曰患難相卹友道也若以此為德則當日盡簪之謂何卒不受公卒年七十二晚尤喜吟咏有竹塹遺稿藏於家詩云高山仰止景行行止余聞之太化間有報企德堂者乃祀希顏與巢父許由並云巢許一高節獨行者耳希顏又奚翹接踵者乎

薛大司空彥祥公傳

方欽邑舉人

吾邑薛大司空者諱祥字彥祥其先河東之汾陰人蓋三鳳之聲所從來矣唐宋間代有人焉有某公刺吾郡而舉

之俗山川識賞久之至仁公移家爲巢人景仁仕元爲帥府鎮撫生舜卿舜卿生公初舜卿從父帥府中深誥韜鈴見公夙敏慧備文武材值元末兵亂因乘其所世蔭結族巢湖保障濡須口而巢與濡兩占籍焉所結俠少皆成名將而俞氏父子稱最團練無虛晷擢介起騎以遲夫倡大義救生靈者迨至正十五年乙未春我太祖駐師和陽因俞平章內附扈蹕渡江平章憐公材表爲水寨軍撫明年據金陵已亥取安慶路壬寅取江西癸卯復廬州累著奇功其克進鄱陽也叙平章水功第一上詔平章曰汝非彥祥莫助自是徐中山用兵兩浙姑蘇及下中原凡有

巢縣志

卷十八

藝文

七

密旨唯公是命洪武元年督漕河南孟津上遣人謂曰近聞亡命徒多潛衝要恐來劫掠彼衆我寡慎無輕敵時夜半抵蔡河賊果至公爲好語諭之曰汝吾良赤子此非得已今聖天子出宜安家業毋累妻孥且汝所部幾何而犯我紀律之衆自貽後悔賊從其言散去上聞大喜一日語公曰汝多立軍功當授武職念汝立朝起家皆文人也朕方有事山東轉餉急人西涼蕭相東都寇恂欽哉唯汝始授中順大夫京畿都漕運使時自楊至蔡達濟壩堰崩塌公漸漸疏築之晝夜率作番役均平民雖勞罔怨者比考取當遷淮泗之民避道祝曰願再來作父也海州亂騎馬

卷十八原書缺第 17 面。

公諱遠字繼遠先世景仁公仕元家於巢是生舜卿舜卿生彥祥是爲司馬公祖祖生鳳崖公諱能嘗畫卧彷彿見絳袍者入自稱爲唐許遠徑趨內驚問衆皆不見已而司馬公誕因以其名名焉正統辛酉領鄉薦壬戌成進士授戶部主事景泰中遷郎中天順改元使交趾還進本部侍郎并贈其父以母憂去起復工部治河河南開鑿揚州河四十里成化中王師討兩廣叛獠復改工部侍郎調兵食諭衆能破賊者即有其輜重人爭奮師至大藤峽賊平陞左侍郎尋進尚書總督糧儲丁酉乞致仕已亥詔起南兵部尚書贊機務久之忤中官汪直遂乞歸弘治壬子以建

巢縣志

卷十八

藝文

八

儲恩進階榮祿大夫乙卯卒年八十有二公穎敏好學於禮樂兵刑天官曆律無不涉其要尤熟掌故在戶曹最久文移奏劄悉出手裁改定戶部事例芟煩正訛均節委積遠近重輕莫不具有成法會較出納奸胥咋舌每歲中外釐陳利害迭爲行罷有司罔所適從公謂凡若此者宜一切報罷官省民安時論譴之嘗謂馭吏嚴刑以懲不若先事而發善革弊不若無弊可革其慮事奇中皆此類也國史稱公居官四十年家無長物食無異味室無妾媵曰吾少事親恒不足今安忍有餘其孝廉節儉蓋天性云公有子丕孫承祿承顯丕及承祿皆以陰官中秘故第在吾里

稱薛家巷者其舊址進士坊在學左今額不存獨邑志

載讀書處在牛山之麓今廢且更姓矣邑人趙一韓曰司

馬公之爲巢人無俟辨也巷氏焉坊表焉厥跡彰彰矣且

也吾伯曾祖之奎華坊爲公手書吾邑張先達行敏公守

南昌叙爲公撰贈及公以平廣功晉大司徒而行敏公附

諸朝紳後製序作賀書官書地皆稱同邑今皆在可考而

郡志記公無爲人邑志則列之外省寄籍且公與舒城胡

公珉廬江湖公淵同登春榜而郡志科甲中亦復見遺是

不能無辨邑舊無志而縣本隸州稱州也則猶其稱邑也

猶之稱直隸之概廬稱廬之概無爲與巢也弘治間林公

巢縣志

卷十八

藝文

七

創爲志而假手豫章之尹士達非倫也遂因地蘆溪嘴之

誤載廬杞爲巢人訛甚矣杞懷慎孫滑州人而家於靈昌

唐史甚明萬曆壬辰再脩志去杞是矣而不收公又附之

外省奚說焉且封蔭中載公父能而不云以子貴者子爲

誰其矛盾如是公八世孫翊明日吾家世自兩廕後遂中

微又屢難於火籍缺六世而敬所雙橋兩公以儒起稍稍

考遺跡明譜系爲家乘計而適不當修志日漏且訛遂至

今趙子曰是不獨邑乘也吾曾伯祖爲子先君所書坊者

諱資與中天順之已卯科邑志及南國賢書具符也而郭

志去與字稱趙資夫趙資者正統八年歲貢士也郡志南

載之而吾祖遂見軼以通郡之大泉於中處一吾族於巢

處一其訛而漏也已然矧諸屬中所不習見不習聞者乎

又況其子若孫降在農隸或化爲斷烟荒墟莫指誰何者

乎子姑俟之後死者而有事於斯志也其以吾傳爲左券

矣

張銓部行敏公傳

朱鏞明本府知府

公諱昂字行敏廬之居巢其邑里也曾大父諱益大父諱

勝字彥彬隱德弗耀其世也考府君諱寬字公裕母陳氏

府君永樂間以材能薦知湖廣武昌再知山東蒲臺皆有

能聲因累謫戍龍門公年方少憂形於色越數千里省成

巢縣志

卷十八

藝文

十

所滿歷艱險歸侍母氏上侍太父母承順顏色尤篤於學

族人以父故多奪公志大父獨憐之乃遣入邑庠受博士

春秋經爲弟子員纔弱冠疑然器局夙成發於文翰辭氣

倉楚同列推之每逢朔望輒詣城隍祠默以拔父戎籍爲

禱歸則潛心經史如是者十年猶一日天啟其衷正統丁

卯領應天府鄉薦踰三年登潛潛榜進士第壬申拜吏部

驗封清吏司主事初考課最授階承德郎母陳封太安人

配向封安人考府君以謫戍故不得封丙子陞員外郎天

順己卯進階奉訓大夫公乃上章陳情願以所得階封

於親辭情懇至上察知誠孝乃移恩與進等君正六品貢

如授公初所得階且復其身以勸孝天下曠蕩殊思一旦
遭逢真傳所謂有志者事竟成矣庚辰江西以南昌劇郡
缺守臣上請廷議以公剛果有操畧乃簡公名進翼日命
下拜府南昌至官寬猛適宜政令肅然癸未以議事與嘗
道不合決意請老既遂歸志奉親教子恂恂自得諸弟故
田廬有失者贖還之宗祧有不能婚娶者助成之俾不失
時貧乏者賑濟之成化戊子居贈公府君憂哀毀盡禮鄉
人化之是其行也壬辰九月十有六日得疾歎曰報國事
親志願畢矣復何求哉乃卻醫藥具衣冠卒於正寢距其
生永樂庚子正月八日得春秋五十有三是其壽也配向

巢縣志

卷十八 藝文

三

氏邑名家有淑行生子男三長光遠早世次光溥季光本
皆克家女一適某氏是其胤也建於鳳皇山土山之陽是
其兆域也

贊曰咄咄行敏志篤才雄遭家孔艱孝友益崇父戌龍門
務脫其籍刻苦問學太父太息父曰有子子曰有孫黃甲
登榮爲時聞人三載郎官褒封所自父獨闕焉潛然出涕
既爲大夫懇移封親詞情懇欵帝曰孝誠非孝無親移忠
作孝白髮烏紗邦家有耀解郡來歸怡怡樂親子孫玉立
再世昌榮壽餘五十乃摧棟梁百世可師高山在望

曹教諭順卿公傳

張符

曹順卿者諱環號黃山其先開國臣貴以武功顯而繼之
大父享爲山西安邑令父廣任虞城教諭曹氏家聲既隆
隆起里中而公與其弟瑞卿緣家聲復尚節槩標準亡假
蓋於時爲月旦者乃稱二難云公與瑞卿才各天授其氣
各異時兄弟遊南雍諸博士論曰大曹溫醇似明道二
曹剛毅似伊川瑞卿英英固翹士其後遂以直諫有聲而
公獨塞兌致柔生平不挂人一臧否往往對客支頤和氣
直令人可掬則二程之喻近是瑞卿爲周侍御史謫粹尋
旬而公時尚家食聞而壯之以曩者諸生與弟尚唱和性
氣詩而茲爲放逐臣當藉吟咏自寬解乃貽之札曰蘇子
瞻被謫人以詩爲戒弟豈以詩得罪耶况飽餐惠州飯細
和淵明詩又子瞻故事乎瑞卿素慕兄唯命乃孤征滇南
竟用詩忘行役苦則佩公訓爲之蓋公不獨夔夔服侍而
於棠棣中洵稱友于者公弘治辛酉年偕弟領鄉薦以
春秋魁其經及厄甲第初授河間交河教諭已而居憂服
闋任泉州南安期年卒年三十九且乏嗣而瑞卿以季子
承之嗣後南安諸生通哀問先師狀於邑令公情詞懇切
公之能感人若此張子曰順卿生平大畧不傳得余稍論
次之其爲人可謂恂恂長者而壽竟弗將且不祀何故嗟
嗟北宮子厚於德而薄於命西門子厚於命而薄於德此

巢縣志

卷十八 藝文

三

其中寧無可軒輊乎哉

曹光祿瑞卿公傳

張符

光祿曹公諱號字瑞卿號秀山瑞卿於諸生時即以倔強著如所稱程叔子者弘治辛酉年與兄順卿並以春秋領鄉薦三年先兄成進士試政戶部適左犒軍還授南京刑部主事屢聽讞最號公平有能吏聲及罹內艱服闋除戶部主事載閱月會御史周廣發變孽錢寧奸坐貶嶺海諸當事憚寧竟啣枚而公獨抗疏救廣卒忤旨廷杖謫倅尋甸軍民府改道之時廣贈一律云獨憐江上曹尋甸分我憂君淚未乾益壯公而以愧夫諸卿枚者已而移倅黃州巢縣志

卷十八 藝文

重

黃點猶往往羅鄉稅致之門積歲不輸以賈專利而公任茲專所事嘗一爬剔均輸調發條格甚具如曩在戶部時齊民以爲公發覺若去一大蠹者俄陞廣信府同知廣信故黃冠張氏梓里公生平自闕里外絕不信左道甫下車卽籍其符錄祿米若干而物之間貴溪諸孝廉上公車奏當道開路費於均徭內量支編貼乃徑自稱收每編入輒加倍公憤諸士狼貪遂白之撫臺諸士肉袒曰士也而競毛羽趨錐刀之末可乎諸士亡不輸服已且逆濠趙據江西爪爪自得摩剝齊萬與諸鎮守中官假進獻獵郡中茶葛諸物符檄蠶午與公素所側目者而益之福從卽有伊

優惟命恐後者以額課爲解公獨抗不允具以狀申撫臺

復裁一節貢獻疏上於朝始寢其事廣信於時又苦旱公徒步雩禱大雨若注郡人歌之署事不二年而所子惠更僕未易數使者唐漁石按江西論郡邑舊良以公爲第一因之剡薦擢鞏昌府知府未赴任卒於家公歷官中外逾十年所家無長物居惟敝屋數椽而已人咸謂有趙清獻風焉肅宗元年嘉其節命本郡守龍公諱爲之諭祭便贈光祿寺卿公次子本舉嘉靖庚戌進士官戶部員外郎論曰當宸濠逆叛時厚賂錢寧中外交應幾傾社稷寧者公獨快心夫濠勢何熾威而公卑卑一郡丞乃復有革貢獻疏哉今江右四正祠固在孫許程死義而公與周端敏世寧並以持法稱

巢縣志

卷十八 藝文

重

趙副使澹雲公傳

錢策

公諱一韓字如勃別號澹雲世以管輅冠集贈君廣坎壈早世然心器公必大焉公微時年立孝友敦睦清介寡營與人坦率無甚遠其鄉人爲之有卽之愈不近者壬辰應里選遊南臺公於馬公大爲延譽庚子舉於鄉甲辰權進士第任溇陽李官明敏風厲動中民隱若身其痛湖口衝地也時左貂權商恣橫鋒莫敢犯公每裁抑之以爲虎豹所恃者牙爪也去其所恃而虎豹可狎而

駟敗陽優尊而陰剪其翼報政命下驅車矣猶械走犬十數置之法橫者短氣民賴輯安其治獄沉寃昭雪若出焉正耀柯正高周良材陶老老之罪案中外稱平潯陽祠之轉民曹有能聲以將母不違改南水部夫人情類北厭南所從來久而公獨否孝思哉權蕪關長江上下流澤焉溢額六千輸公帑湖商尸祝之與葉毘陵陳潯陽等一麾河內才期月百廢俱興太行礦盜不捕自戢舊逋負官錢數千緡斃於杖者以十數終不能竣力請捐罷民賴以甦一娶人輿視入城公持法禁止不得入其勁節類如此懷民德之立祠平川諸生復別祠於邑旋以終養歸逾八年太

巢縣志

卷十八 藝文

三

夫人仙去哀毀骨立迄闕服如一日舊制以告養起復者予京卿公一無所請以故再守建州如其所以治軍懷者名杜之稱建人無以異懷人也是時逆璫熾燄射影吹毛天下爭謀汲引承奴隸一唾為榮公冷然付之胥曉外其憂疑懷憤不至以身糜虎牙者幸也况一時觸諱死節如劉楊州實為公門下士乎黔臬命下飄然萬里曾無少介常於中然所歷驚濤疊嶂病與歲增當事者憐公且不忍以高潔之品老鋤於蠻烟瘴雨之鄉代公以休沐請益且致內地歸未幾而公遂資志歿矣嗚呼公自潯陽歷南北

兩名藩無不肖像以祀其逆璫懣忤勢官亭亭之

骨不以窮通變塞利害攫情柔不茹剛不吐公當世一人哉入聞公諸生窮約時婚嫁弟妹其分甘絕少無難色迄今宦成三十年猶然窮約士也居無絛綺出無騶從室無妾媵田宅不求方圓有不便他人者割與之或塚墓相隣聽其自占不濬不闢非疾苦係通邑者未嘗一投刺縣官受乞丐錢窮親故舊時在坐周人之急不以數數為煩村童田子未始不加禮焉公卒之明年學使者從臬士請祀公於鄉子宏璧宏鐘並以文學世其家云

邑父母嚴公殉城傳

沈翼燕 貢士

天禍巢邑死賊披猖殲戮我士民慘殺我父母蓋于時天

巢縣志

卷十八 藝文

三

日昏黯地紀崩裂我嚴父母闔門殉城冠退士民扶傷或白匍匐而上請當道會死賊各路縱橫又犯及陵寢煩主上宵旰未知褒恤何時恐其久而論未定也爰作傳以誌之傳曰公諱覺號知非浙之歸安人由丙午鄉薦署諭上海繼令居巢操守則茹藥飲水德度則光風霽月以至興利除害愛士養民靡不備至三年報最遷蘇州海防命既下遣眷屬歸公行亦有日矣而寇信適至報死賊由光固向六安公聞警曰我一日在巢則城猶我城也誰為我代敢不為守計然巢邑無兵衛恃恃壯勇之民而人心不固非勇安在我宅眷既去民將解體天子專城其可棄乎

追回眷屬遂與士民誓守時正月十八日也公即日率士民申守備器械大率每街巷不過鎗鎗木棍數事公叱曰是何爲者銀矛礪戈猶懼不濟恁兒戲乎熱事迫矣姑且照方分城堵立壕口內脩器具外探信息燈火連城壕徹夜二十日報死賊已分股薄郡地迤北一路盡是賊騎縱橫公愕然曰吾事不可爲矣內無驚驚之旅外無此呼之援而賊迅來若此奈何然事既至此唯有城存與存猶且一面鼓勵壯勇沿城巡視追二十二日燧明賊由湖邊及萬家山兩路鱗集大隊已環城外矣嗟哉痛哉承平日久民不知兵一旦見躍馬橫戈殺人如草民已退縮無地

巢縣志

卷十八 藝文

五

公時猶巡南城未回而死賊已騰躍而入北城矣賊竊謂而前公遂與同巡諸生皆被執城頭守士隨卽尸橫白刃交加一時鼎沸賊既執公索印索金索馬迫脇備至又脫殺公子生員嚴有邑以威之公唯同諸生罵不絕口時同執者生員郭民安趙宏璧張愈奇等十數人俱被縛縛知不可脫唯痛罵以冀速死唯郭民安以年八十賊不屑殺已而于衙中搜得印信而公之頂顱受刃斃矣夫人莫氏自到未死仍復投繯痛成公不愛一身愛百姓不喜妻子愛專城雖張許之死睢陽果卿之死常山寧過是哉已而賊由廬江破潛山太湖去季子有毅崎嶇萬狀獲賊父尸

邑之士民扶傷抱病猶痛念我父母闔門受害上其事于當道其原呈冗不具悉蒙下其事于刑廳胡察覈胡勘語畧云孤城斗絕一木安支索印括金不與握拳透爪自分拚一死以殉封疆妻亡子死不回喋血裹尸竟克盡一門以全忠孝等語俱核其實也事上之按撫將入告會以陵寢陷失事撫按俱坐罪不知其後果行與否痛哉公殺身成仁忠臣孝子節婦一門義烈萬古香魂既爲傳之仍附歌以哭之曰父天降疾威猋猋來颺忽哀哀萬生靈玉石皆茶毒烽火曙四天腥血滿溝瀆巡巡孽寇往殘黎緩奔笑盲死走城闕號呼尋眷屬老幼辨遺骸男女瘞白骨各

巢縣志

卷十八 藝文

五

各私所親惟聞滿路哭獨我嚴侯爲城亡全家抗節倍慘傷夫妻兒女相枕籍誰不額此爲懷愴我來撫公痛失聲買棺含斂妥忠魂一杯絮酒萬千淚安能走闕陳君情陳君情願與睢陽靈魄尉橋烈貞千秋億歲尊俎馨

贈太僕曹公傳

尹君瀚 邑紳

尹子曰予念及幼伯公之死難而不覺其潸潸淚下也蓋予與幼伯戚且交少同塾長同庠學問相與長道義相與勸過失相與規其功名亦畧相等其爲人之始末予不可不傳之公諱同申字幼伯耆年與余同業師勵志攻苦日無暇晷遇一相者云此二子皆飛鳬百里宰也而收場

頗異未幾先後入贅序馳逐名場亦各有聲藝苑命之不辰年逾五十始各應明經選公先予任淮府庠學博署政清河城守有方畧巡方嘉其才能特薦云却贊而苜蓿風清談經而桃李起色且城守有功洵藝林赤幟也陞湖廣鄖西縣令鄖西爲流賊屢被邑民遭蹂躪久遯江濱且其地有安插降賊老當當一枝官民久以一城付之甌脫上檄屢飛責而不能聽也公毅然就道不以爲難甫下車卽懸上旨招來殘黎開墾荒蕪補葺城罅設立治堂未期年而廢邑殘疆振然復起降賊崛強搔擾公憤然請之各憲會鄖陽軍門王公諱永祚者具題以公兼任監軍營伍悉巢縣志

卷十八 藝文

无

聽節制降賊少屏息地方賴以救寧者數年迨崇正十四年流賊張獻忠復串搆老當當外攻內應公守孤城獨力不支城陷爲賊所執公云身爲朝廷命官有死無二而已賊索印給云爲家人曹取帶去紳縛治堂以木棍榜掠脅糜肉爛以死七日方起營降賊復叛從獻忠去其次子生員肇洛乃獲入城收其屍合邑殘黎環屍而哭生員熊魁楚等連名公呈殉難情由蒙本府徐公諱起元者爲之請詳具題准照郝萬春死節例贈太僕寺少卿蔭一子入監讀書公爲人端方嚴正不侮矜寡不畏強禦爲諸生時邑利弊每侃侃正論留心民瘼在淮庠正色立身爲士

矩得鄖西報歸里時哭其兄廩生同甫罹寇難有慨然不與賊俱生意鄖西之行親友多難之而公會不一却顧也嗟乎殺身成仁孤忠介節耿耿青史較之遠巡兒女牀褥間政相萬也乃予授玉山卒以老病不能任既愧於公而且以驗暑歲時相士之言若合符節也公少子肇渭有聲邑庠而其長孫憲中康熙己酉武榜昌後之報人咸拭目予不能忘老友交遊始末姑述其概以傳之付諸公子

孝節楊文學傳

楊于芳

楊公諱維嶽字伯峻號五箕其父虞澤諱舜漁以敦行重評于鄉有古人之稱好著述有小學廣義并我箴註行于巢縣志

卷十八 藝文

三

世大抵從人倫大節爲己實修用功所有遺帖家訓與凡立教于鄉里者事事皆可師法李太史聞之爲之作傳後議舉鄉賢未果嶽生而聰穎特達端方正直稍長卽嗜小學一稟父訓成童以後研精四書詩禮自立身行已一言一動靡不以聖賢爲依歸家貧勤苦讀書至廢寢食事親孝值母久病日侍湯藥衣不解者兩月及母歿朝夕侍父寢側共臥起雖家貧必盡養親素所嗜必致以娛親逢佳節思母但飲泣恐增父哀及父歿哀毀骨立既葬於父所著書每檢及卽隕涕至所拾殘簡必謹收護曰此手澤也凡值親忌及掃墓雖久遠哀慟如初逝待昆